

# Quale a Sà

Natu hè forse l'omu da l'opara d'un Diu  
Stancu d'avè fattu tante è tante maraviglie  
Dènduli a ragione da ch'ellu possa sceglie  
Trà u bè è u male fendu à bella megliu

Parchè a ghjente astuta hè cusi scillarata  
A zitillina ùn hà nulla chi fà di ragione  
I vechji à barba bianca fendu si una pusata  
In ella, di sicuru, ùn ci anu divuzione

E l'omu di bon sensu si ride di i chjuchi  
E quand'ella li pare si macagna à l'antichi  
L'omu hè più suvente più scemu cà astutu  
Certe volte a ragione a ragione hà pulsatu

E quand'omu dumanda cunsigli à a ragione  
A quandu dice biancu, à quandu dice neru  
E tandu cumu sapè hè un veru misteru  
Più ùn circate à capisce più ùn punite quistione

Megliu po sarà ad esse un scemu astutu  
Cà d'esse è di campà cum'è un astutu scemu

**Puesia d'Iviu Battini**  
**Mùsica di Francu Silana**